



REPUBLIKA E KOSOVËS/REPUBLIKA KOSOVA/ REPUBLIC OF KOSOVO
GJYKATA KOMUNALE PËR KUNDËRVAJTJE NË PRISHTINË/ OPŠTINSKI SUD ZA PREKRŠAJE U
PRIŠTINU/ MUNICIPAL MINOR OFFENCES COURT IN PRISHTINA

Nr. regj. 37308/11

GJYKATA KOMUNALE PËR KUNDRAVAJTJE NË PRISHTINË, Gjyqtarja Lindita Jakupi me pjesëmarrjen e sekretares juridike Iqrame Aliu, duke vendosur në procedurën kundërvajtëse kundër të pandehurit Sejdi Zahir Rexhepi nga Prishtina, për kundërvajtje nga neni 17 par 1.5 të Ligjit për Deklarimin e Prejardhjen dhe Kontrollin e Pasurisë dhe të Dhuratave të Zyrtareve të lartë Publik Nr. 03/L-151, e në bazë të nenit 73,74,195 dhe nenit 199 të Ligjit mbi Kundërvajtjet, më 29.12.2011 merr këtë:

A K T V E N D I M

I PANDEHURI: Sejdi Zahir Rexhepi, i lindur më 03.06.1962 në fsh. Tenezhdoll, tani jeton në lagjen Mati I Rr. Beqir Kastrati pn. ne Prishtine, i martuar baba i tre fëmijëve, Anëtar i Bordit ne Bankën Qendrore te Kosovës, i gjendjes mesme ekonomike.

Ë s h t ë p ë r g j e g j ë s

Sepse si Anëtar i Bordit ne Bankën Qendrore te Kosovës, nuk e ka kryer obligimin ligjor për plotësuar formularin për deklarim te pasurisë sipas kërkesës të dt. 02.09.2011, në Agjencionin kundër korrupsionit, sipas Ligjit 03/L-151 për Deklarimin, prejardhjen dhe kontrollin e pasurisë dhe dhuratave të Zyrtareve të Larte Publik.

Me kete mos veprim, ka kryer kundërvajtje nga neni 17 par 1.5 të Ligjit për Deklarimin e Prejardhjen dhe Kontrollin e Pasurisë dhe të Dhuratave të Zyrtareve të lartë Publik Nr. 03/L-151, andaj

G J O B I T E T

Me gjobë në shumën prej 500 (pesëqind) €, të cilën gjobë është i obliguar ta paguaj në afat prej 15 ditësh prej ditës kur ky aktvendim të merr formë të prerë, në llogarinë e të hyrave gjyqësore KGJK-se nr. 100-4300-700-0518. Pagesa bëhet në ndonjërin agjenci-Banke për mbledhjen e të hyrave, përmes urdhërpagesës së plotësuar nga Gjykata. Nëse gjobën e shqiptuar nuk e paguan në afatin e dhënë, e njëjta do ti zëvendësohet me dënim burgimi në kohëzgjatje prej 33 ditësh, duke llogaritur 15 (pesëmbëdhjetë) €, për një ditë burgimi. Shpenzime të procedurës nuk ka pasur, kurse në emër të paushallit gjyqësor i pandehuri është i obliguar që të paguaj shumën prej 5 € në afat dhe xhirollogari të njëjtë me gjobën. Nga një kopje e këtij aktvendimi t'i dorëzohet të pandehurit dhe ushtruesit të kërkesës.

A r s y e t i m

Agjencioni Kundër Korrupsionit në Prishtinë, parashtroj kërkesën nr. 01 4140/11 të dt. 25.10.2011, për fillimin e procedurës kundërvajtëse ndaj Sejdi Rexhepi, për kundërvajtjen nga neni 17 par 1.5 të Deklarimin e Prejardhjen dhe Kontrollin e Pasurisë dhe të Dhuratave të Zyrtareve të larte Publik, duke kërkuar që i njëjti të shpallet përgjegjës dhe të dënohet sipas ligjit.

Gjyqtarja filloi procedurën kundërvajtëse me marrjen ne pyetje te pandehurit i cili ne mbrojtjen e vet deklaroi se e është e vërtet se nuk e ka plotësuar formularin sipas kërkesës me numër te ref. AKK-DP te dt. 02.09.2011, duke

U deklaruar se as vet nuk e din shpërfaqjen tokësore pasi ajo është pasuri e përbashkët e prindërve dhe vëllezërve te tij, e gjithashtu ka pranuar se nuk ka dhënë informacione për shumën e pareve ne xhirollogarinë bankare atë te ProCredit Bank si dhe atë te Raiffeissen Bank. Për vërtetimin e gjendjes faktike gjyqtarja mori ne pyetje dëshmitarin Agron Behramin, zyrtar ne Agjencionin kundër Korrupsionit, i cili deklaroi se pasi e kemi vërejtur se aplikacioni i Sejdi Rexhepit, Anëtar i Bordit ne Bankën Qendrore te Kosovës, ka shume zbrazesira menjëherë i kemi parashtruar kërkesë për plotësim te formularin sipas kërkesës me numër te ref. AKK-DP te dt. 02.09.2011, duke

03-2245/12/02

Në bazë të dhënave të parashtruara në kërkesë, dëgjimit të pandehurit, shqimit të shkresave të lëndës dhe provave të tjera të administruara gjatë procedurës, gjyqtari në masë të mjaftuar vërtetoi se i pandehuri e ka kryer kundërvajtjen e cila me kërkesë i vihet në barrë, për çka e shpalli fajtor dhe e gjobiti me gjobën e cekur si në dispozitiv të këtij aktvendimi.

Me rastin e shqiptimi të dënimit, gjyqtari vlerësoi të gjitha rrethanat nga neni 7 të LMK-së, nën të cilat është kryer kundërvajtja dhe të pandehurit ia shqiptoi këtë lloj dënimi, duke llogaritur se edhe me këtë do të arrihet efekti i sanksionimit, që i pandehuri në të ardhmen t'i shmanget kryerjes së veprave të këtilla dhe të ngjashme.

Me sa u cek më lartë u vendos si në dispozitiv të këtij aktvendimi.

KËSHILLA JURIDIKE Kundër këtij aktvendimi mund të parashtrojnë ankesë i pandehuri dhe parashtruesi i kërkesës Gjykatës së Parë për Kundërvajtje në Prishtinë në afat prej 8 ditësh pas marrjes së këtij aktvendimi, nëpërmes kësaj Gjykate dhe pa taksa.

Gjyqtari
Lindita Jakupi

